

U skladu sa odredbama Amandmana XLIV na Ustav Islamske zajednice u Bosni i Hercegovini, broj SIZ-21/14 od 26. aprila 2014. godine, te člana 36. Statuta Vakufske direkcije, Rijaset islamske zajednice je na svojoj 18. redovnoj sjednici, održanoj 28. ša'bana 1435. h.g, odnosno 26. juna 2014. godine, donio sljedeća:

P R A V I L A

o pravnom statusu i uvakufljenju imovine u bošnjačkoj dijaspori



I OPĆE ODREDBE

Član 1.

Ovim pravilima se uređuje pravni status vakufske imovine u bošnjačkoj dijaspori (u daljem tekstu: dijaspora), način uvakufljenja vakufske imovine u dijaspori, način upravljanja vakufskom imovinom u dijaspori, vođenje evidencije vakufske imovine u dijaspori.

Pod dijasporom koja je predmet ovih Pravila se podrazumjeva bošnjačka dijaspora koja je definisana Ustavom Islamske zajednice u Bosni i Hercegovini (u daljem tekstu: IZ u BiH)

Član 2.

Vakufska imovina u bošnjačkoj dijaspori u cjelosti uživa svu pravnu zaštitu koja je Ustavom IZ u BiH propisana za vakufsku imovinu.

II NAČIN UVAKUFLJENJA NEPOKRETNE I POKRETNE IMOVINE

Član 3.

Vakufska imovina u dijaspori je imovina koja se uvakufľjuje u duhu šerijatskih propisa, a prema procedurama propisanim Pravilima o uvakufľjenju broj 09-03-2-192/11. od 04.03.2011. godine.

Član 4.

Zahtjev za uvakufľjenje imovine mogu podnijeti sva pravna i fizička lica koja su vlasnici nepokretne ili pokretne imovine koja se želi uvakufľiti.

Zahtjev obavezno sadrži podatke o vakifu, podatke o imovini koja se uvakufľjuje, uslove uvakufľjenja kao i način upotrebe imovine koja se uvakufľjuje.

Zahtjev iz prethodnog stava se podnosi neposredno mjesno nadležnom džematu, Islamskoj zajednici koja je organizirana za pojedine zemlje dijaspore ili Rijasetu islamske zajednice u BiH, koji ispituju zahtjev i pravni status imovine.

Ukoliko imovina koja se uvakufľjuje zadovoljava prihvatljive uzuse uvakufľjenja zahtjev za svom popratnom dokumentacijom se dostavlja Vakufskoj direkciji koja ispituje sve bitne činjenice.

Ukoliko Vakufska direkcija ocijeni da je uvakufľjenje opavdano prijedlog za uvakufľjenje se dostavlja Rijasetu IZ u BiH.

Rijaset IZ u BiH donosi Odluku o uvakufľjenju, nakon koje Vakufska direkcija izdaje vakufnamu shodno postojećim Pravilima.

Nakon izdavanja vakufname mjesno nadležna Islamska zajednica u dijaspori, odnosno džemat provodi postupak prijenosa vlasništva nad imovinom koja se uvakufľjuje.

Imovina se knjiži na pravno lice u ime kojeg se uvakufjuje imovina, s tim da to pravno lice mora biti osnovano u okvirima Islamske zajednice.

III UPRAVLJANJE I KORIŠTENJE VAKUFSKOM IMOVINOM U DIJASPORI

Član 5.

Vakufskom imovinom u dijaspori upravljaju nadležni organi Islamske zajednice.

IZ u dijaspori, odnosno džemati su obavezne da u okvirima svojih organizacija osnuju posebno tijelo koje će voditi brigu o poslovima koji se tiču upravljanja i raspolaganja vakufskom imovinom.

Tim tijelom predsjedava predsjednik IZ u dijaspori, odnosno predsjednik džemata, a obavezan član tih tijela je vjerski službenik za to područje, kao i predstavnik Vakufske direkcije kojeg imenuje Vakufska direkcija.

Član 6

Vakufska imovina se koristi shodno uvjetima propisanim u vakufnami i to od strane subjekata u ime kojih je uvakufljena imovina.

Prilikom upravljanja i raspolaganja vakufskom imovinom obavezno se primjenjuju šerijatska pravila o neotuđivosti vakufa kao i sva pravila i propisi koji su doneseni u okvirima IZ u BiH i njenih ustanova.

Svi objekti koji su u vlasništvu džemata smatraju se vakufima.

IV EVIDENCIJA VAKUFSKE IMOVINE

Član 7.

Pod evidencijom se podrazumjeva evidencija sve nepokretne vakufske imovine sa kojom upravljaju IZ u dijaspori. Evidenciju iz prethodnog stava vodi Vakufska direkcija u okvirima uspostavljenog informacionog sistema.

Vakufska direkcija vodi i evidenciju svih ugovora o zakupu na koje pojedinačno daje saglasnost.

V PRELAZNE I ZAVRŠNE ODREDBE

Član 8.

IZ u dijaspori se obavezuju da će svoje statute uskladiti sa ovim Pravilima, a Vakufska direkcija Sarajevo se obavezuje da će nakon stupanja na snagu ovih Pravila uskladiti Pravila o uvakufljenju.

Član 9.

Ova Pravila stupaju na snagu danom donošenja.



Reisu-l-ulema
Husein-ef. Kavazović

Broj: 03-04-1-1514-1/14

Datum: 26. juni 2014. godine